

Машхур футболчи рўза ёрқин ғалабаларга халақит бермаслигини исботлади



12:20 / 08.04.2022 4785

Франция терма жамоаси аъзоси, Мадриднинг «Реал» клуби футболчиларидан бири, Карим Бензема Рамазон ойида кун бўйи рўза тутди, сўнгра Англиянинг «Челси» клубини Чемпионлар Лигаси чорак финалида 3:1 ҳисобида мағлуб этилишида катта ҳисса қўшди. Ушбу ўйинда ажойиб натижа кўрсатган Мадриднинг Реал клуби Чемпионлар Лигаси чорак финалининг биринчи ўйинини тўлиқ назорат қилиш имконига эга бўлди.

Кун бўйи таомланмаган ва ҳеч нарса ичмаган Карим Бензема футбол майдонига чиқишидан атиги 13 дақиқа қолганида ифторлик қилиб олди ва ўйин давомида шов-шувли хет-трик қайд этди.

У журналистларга берган интервьюсида Рамазон рўзаси унинг ўйинига таъсири ҳақида гапирар экан, Бензема шундай деди: «Таъсири йўқ, Рамазон менинг ҳаётимнинг бир қисми, эътиқодимга кўра, рўза тутиш менинг бурчим. Бу мен учун жуда муҳим, рўза тутганимда ўзимни яхши ҳис қиламан».